

重修曲周縣志序

同治戊辰嘉平月余捧檄承乏廣
郛適曲周縣志告成邑令存君誠
齋僭學博張君鷺舫以序為請
詳加披閱條分縷析綱舉目張曲
核簡明可備掌故然後知縣志之
闕係甚重而誠齋之為治非俗吏

之所得為也考曲周古曲梁地漢
鄜商封曲周侯縣之設立由來久
矣魏齊隋唐斥漳平恩裁省歸
併幅員愈濶宋本若水効忠竭節
聞風興起丕振人文自元明迄

國朝冠蓋科名後先相望則曲周亦
聲明文物之區也惟地界山左與

臨清卽冠犬牙相錯邊隅要地無
險可扼最當兵衝咸豐辛酉山東
匪踪蠢動變生倉卒到處震驚
三月如清河圍威邑進陷曲周城
鄉大肆焚掠民生日蹙於文教者
又宜奮武衛矣余公蔭軒維時攝曲
邑篆受命於危難之際披荆棘置

行署募勇訓練靖寇安民此風會
轉移之一機也同治壬戌邑侯王君
秋卿相繼接篆善守成法民困以
蘊未致東省降衆張錫珠楊蓬
嶺及叛將宋景詩倡亂蔭軒適
奉

簡命特擢廣平郡守與秋卿議戰議

守卒保無虞而著名逆首張澌甲
姚沐來蘊崑岡皆於曲周擒獲
伏法厥功偉矣又於灰燼之餘修
城池創衙署立學宮興書院投
戈講藝以端士習以靖民心冠蓋
科名後先相望拭目可俟矣維時
余正值親歷我行往往馳驟於齊

魯燕趙地又常駐隊於威曲交界間
故知之倍詳噫嘻曲於灰燼之餘
修城池創衙署立學宮不有以志
之武功文治不幾湮沒無傳哉況
縣志自乾隆十二年丁卯重修迄今
百數十年矣制度文為因革損益
與時消息非徵文考獻以火搜羅

何以見

國家通變宜民之妙用乎則縣志關係
洵非淺鮮王令在任延請邑人進

士劉樹堂重新編輯未及告成引
疾去誠齋攝篆就商兩學博趙張
二君贊襄考訂出成其事不數月
而勒成書秋卿未竟之緒功虧

一貫誠齋克集其成余嘉志書典
賅簡明可備掌故尤嘉誠齋以儒
術飾吏治急所先務非俗吏之所得
為也是為序

同治己巳花朝後一日

三品銜賞戴花翎即補道署廣平
府知府長白德成撰

重修曲周縣志序

咎人謂修墜舉廢凡有關政教典禮者莫
不宜然況志書尤關一邑政教典禮之大
乎漢以後郡縣各有志而歲久失修即有
墜廢之患蓋政事人才風俗好尚有今昔
懸殊先後互異者信乎班氏之言曰志當

分年為大小脩歟曲周古曲梁地見於春秋其地政教典禮卓然可觀特世事滄桑嘗有墜廢十四年再余署篆廣郡竊有志於脩舉而未久即卸篆去不獲竟此愿今年重典此地亟思成之而該縣志書已經

再令王秋卿署令存誠齋及趙敬亭張鷟

舫兩廣文共為脩舉而始終其事歷三任
而克藏厥功者則二廣文之力為多今而
後可無墜廢之患矣余甚嘉諸君之有同
志因識其重脩緣起以為之序聊誌鴻雪
之感云爾

皆

同治八年歲次己巳仲

山長啟謹撰

重修曲周縣志序

志與史體例同而詳畧異
今之言志者莫不引唐官
稽兩漢華陽荆楚奉為典
型顧就今之省志郡縣志
論之省志詳於史郡志詳

於省降而州縣則其又詳
矣我

國家重熙累洽文治日光

畿輔通志修於雍正七年
廣平府志於乾隆十年郡
伯吳朔占先生重修之凡

所隸州邑因革損益咸見
其槩而未及致詳體固然
耳曲周為廣平屬邑舊志
修於順治年間距今九十
餘載其久而待修與郡志
年歲相孚郡伯率屬不憚

蒐輯綱羅積歲月彙成全
編若網在綱豈以身膺百
里者顧不暇於邑志是修
邑令勞君宗發以名進士
來守是邑殷然以修志為
急與邑之紳士討論而潤

色之例尚謹嚴辭歸典要
期於郡志相輔而行夫修
志如修史之有三長而必
徵於故家之文獻然前代
之事徵於文近今之事徵
於獻苟無老成人覩縷見